



RESOLUCIÓN DA DIRECCIÓN TERRITORIAL DA CONSELLERÍA DO MAR DE VIGO, POLA QUE SE DENEGA A AMPLIACIÓN ATA O 30 DE SETEMBRO DO 2025 DA UTILIZACIÓN DE CORDAS DE CHICOTEO NAS BATEAS DOS POLÍGONOS DE CULTIVO DA PROVINCIA DE PONTEVEDRA.

Feitos

1. O 10.07.2025, a Federación de Asociacións de Mexilloeiros (FEMEX), solicita a ampliación do prazo para o chicoteo das cordas de engorde ata o 30 de setembro de 2025, alegando que:

“1º.- Que o prazo para a EXTRACCIÓN DE SEMENTE DE MEXILLÓN (MEXILLA) na campaña 2025-2027 en bancos naturais foi modificado por esa Consellería, ampliando o período de extracción de semente de mexillón ata o 31.05.2025.

2º.- O maior volume de recollida de mexilla da campaña foi acadado nos meses de abril e maio.

3º.- O DECRETO 174/2002 establece o CHICOTEO para favorecer a homoxeneidade do produto, na fase de pre-engorde, para mellorar a súa calidade e, consecuentemente, facer un mellor aproveitamento do recurso.

Atendendo as circunstancias antes expostas, os socios das asociacións pertencentes a FEMEX, nos diriximos a Vostede SOLICITANDO ampliar o prazo para realizar o “chicoteo” das cordas e poder asegurar a produción ata o 30 de SETEMBRO DE 2025.”

2. O subdirector xeral de Acuicultura e o xefe do Servizo de Innovación Tecnolóxica da Acuicultura informan desfavorablemente a esta petición, baseándose en que:

1. No que respecta a captación de mexilla de banco natural da campaña 2024-2025, que rematou en maio, están moi por debaixo do que sería de esperar. Das máis de 3.300 bateas autorizadas ao cultivo de mexillón só 162 declararon extracción de mexilla con unhas cantidades medias de 2.014 kg/batea. En total, foron realizadas 790 declaracións para unha cantidade total de 326,3 toneladas.

As estimas da cantidade media de mexilla recollida por campaña en banco natural son de entre 6.000 e 10.000 toneladas (Padín e colaboradores, 2024). As cantidades declaradas na campaña 2024-25 son moi inferiores ás estimadas, menos dun 6% con respecto ao límite inferior das estimas.





Por outra banda, si tomamos os datos declarados como unha mostra do ocorrido durante a campaña 2025, vemos que os datos contradín o que indica FEMEX na súa petición, de xeito que a extracción de mexilla en banco natural caeu entre abril e maio.

2. Con respecto as cordas colectoras, en total figuran só 31 declaracións que suman un total de 104,4 toneladas de mexilla. Hai que ter en conta que nesta campaña 2025, para o período extraordinario no que se poden colocar as 100 cordas a maiores (+ 50 extraordinarias autorizadas pola DX) temos 593 comunicacións de colocación desas cordas extraordinarias (72.864 cordas). É dicir moi poucos declaran a mexilla captada.

Consideracións legais e técnicas

1. O Decreto 174/2002, do 10 de maio, polo que se modifica o Regulamento de viveiros de cultivos mariños nas augas de Galicia, aprobado por Decreto 406/1996, de 7 de novembro sinala no artigo 35 que dende o 1 de decembro ata o 31 de xullo poderá realizarse chicoteo nas cordas de engorde, a fin de favorecer a homoxeneidade do produto e mellorar a súa calidade. Así mesmo se contempla a excepcionalidade de modificar o mencionado prazo cando fenómenos medioambientais excepcionais alteren o ciclo normal de reprodución da especie e consecuentemente modifiquen a época do ano de fixación larvaria, repercutindo no período de extracción da semente.

2. Po las resolucións do 11.03.2025 dos departamentos territoriais da Coruña e Vigo ampliouse o período autorizado para a colocación das 100 colectoras a maiores do máximo autorizado por batea (500) do 11 de marzo ata o 30 de setembro do 2025.

3. Pola Resolución do 11.03.2025 da Dirección Xeral de Pesca, Acuicultura e Innovación Tecnolóxica do 11.03.2025 foi a autorizada con carácter extraordinario a colocación de ata 50 cordas colectoras a maiores por batea en todos os polígonos de cultivo de Galicia durante o período autorizado.



Visto o exposto, e ao abeiro das súas competencias esta dirección territorial RESOLVE

Denegar a ampliación ata o 30 de setembro de 2025 o período establecido para a utilización de cordas de chicoteo nas bateas dos polígonos de cultivo da provincia de Pontevedra.

De conformidade co disposto nos artigos 121 e 122 da Lei 39/2015, do 1 de outubro, do Procedemento Administrativo Común das Administracións Públicas (BOE núm. 236, do 2 de outubro de 2015), contra esta resolución, que non pon fin á vía administrativa, poderase interpoñer recurso de alzada ante a conselleira do Mar, no prazo dun (1) mes contado dende o día seguinte ao da súa notificación.

A directora territorial
María Elena Suárez Sarmiento

